



ВЛАДИМИР ПЛОТОВ

БАРА

АДЫСИМ



Владимир Попов — том коми поэт. Чужліс сійö 1934 вося январь 1 лунö Ижма сиктын. Среднöй школа помалöм бöрын уджаліс Железнодорожнöй районса „Стахановец“ газет редакцияын, Коми республиканскöй радиокомитетын, 1960 воын помаліс Москван М. Горький нима Литературнöй институт. Сійö жö воас В. Поповлөн петіс кывбурьяслөн первой сборник — „Тувсов йöлöга“.

Тайö сборникыс — поэтлөн мөд книга.

Митрофан
Владимир
Попов



Кывбуръяс



Коми
Книжной
Издательство
Сыктывкар

1964

C
П58



К **ЛИБУРЪЯС** *Wm*





КЫПЫДЛУН ЙЫЛЫСЬ

Кыпыдлунтөг гаж оз волы
И оз сьывссы — ньöти оз.
Тшöтш и праздник дырйи колö,
Медым кыпыд вöлі лолыд —
Йиысь мездмөм ытва моз.
Кыпыдлунтөг шуд оз лолы
И оз моғмы колан моғ.
Кыпыдлун, кызд ёртрлөн чолөм,
Дзик быд уджын мортлы колö.
Сытөг — видзчысь, босьтас шог.
Кыпыдлунтөг овны полöй:
Сытөг оз ло ыджыдтор.
Сытөг öмöй Ленин оліс —
И кор мөвпнас ылö воліс,
И Октябрьсö дасьтіс кор?

БАРА АДДЗЫСИМ...

Бара аддзысим, бара сывъясълім...
Тодам донсö ми прöстöй кывъяслы.
Сьолöм мыйлакö пессö öдöба,
Мый нö сулалам? Водзö мöдамö.
Ой тi, ёртъясöй, ой, землякъяс тi,
Вай жö шöйтыштам Изьва ягъясти,
Сэсса ветлыштам Изьва ю боктi,
Выль частушка мед отсö юковтö,
Мед нö яг йылыс радлö кыалы,
Радлö югыдлы — сийö шыалö.
Миян нэм йылысь ягъяс сьылöны,
Шудсö найö öд сiдз жö кылöны.
Ок, и паськыд жö миян Рöдина,
Чужанiныд жö век тай öти на.
Мортлы овнысö öтчыд сетöма.
Öткодъ гаж пуö тан и, сэтөн и.
Оз кö овлы морт аслас нимтöгыс,
Оз и овлы морт чужанiнтöгыс.
Нимкодъ миянлы, ёртъяс, ветлыны,
Мый и татшöм край эм бур свет вылын.

ОКТАБРЬ

*Всегда, всегда к Октябрьской годовщине
Я лучшие свои стихи пишу.*

М. Исаковский.

Октябрь. И бара пасьям годовщина.
И кыпыдлунлы бара абу пом.
Но мыйла думой нуо Изьва динө?
И казтыла ме мыйла Катыдпом?

Октябрь. И тан, и сэн бур йөзлы рад ме,
Ас му вылын көть кытчө ме ог во,
Кор өтув гажкөд мортлөн сьөлөм ладмө,
Сэк өтув гажлөн чинөмыс оз ло.

Октябрь — со миян чусмывлытөм кодзув!
Ак, быдөнлөн өд, ёртъяс, өти нэм,
Ас сикас туй дзик быдөнлөн — век водзын,
И быдөнлөн ас сикас Изьва эм.

Октябрь. Ми сийөс ыдждөдлыны кужам.
Ми ськөд йитам чужанінлысь мич.
И кыз нө, сідзкө, праздникын и уджын
Лөнъ Изьвасө тшөтш сьөлөмам ог видз?

Октябрь. Би рёмыс лёсялө страналы:
Би рёма флагъяс талун гөгөрбок.
И шуд, и дой медбура кылам талун.
Ті вынсьөданныд кывъясөс, чой-вок?

Октябрь. Му шарсө кытшовтны мен эськө,
Быд сьөлөмө пось радлун пыртны мед!
Великөй лун! А мен мөй сийө веськодь?
Ме абу мөй Октябрнымлөн поэт?

Октябрь. Том сьөлөм пессьө морөс пиын,—
Кыз быттьө шудлөн лэбач олө сэн.
Гөрд знамя шпоргө. Мен и сьывсьө сийөн,
Мый тайө знамя улын овны мен.

ВОКЪЯС

Нель ёрт, нель салдат А. Зианшин, Ф. Поплавский, А. Крючковский, И. Федотов 1959 воын весь-кавлісны шторм улö. Баржаныссь, код вылын служитісны, штормыс петкөдіс восьса океанö. Сизим вежон чöж сьöкыда дрейфуйтöм эз чег налысь волясö.

Пи менам быдмас, төдмалас сэк тайöс...
Бур слава эз нин төрыт туйсö пан,
А сэки на, кор паныдаліс найöс
Великöй, либö Тихöй океан.

Дзик медбөр войтөдз пузис валөн эрдыс:
Характер океанлөн, вөлөм, крут.
Нель зонмös бушков йötкис ас му бердысь,
Эз төд, мый чужан муыс — налөн шуд.

Эз куж скөр океаныс найöс венны,
Көть еждытөдзыс петкөдліс лёк сям.
Нель зон, салдатъяс, дона вокъяс менам,
Од öти миянлөн Отчизна-мам.

Ті... океанлы сувтінныд сәк паныд,
Страналөн слава эз сідз прөста сод.
Бой эн на төдлөй ті, а тыш сән панід,
Көн помавлісны дедъясным поход.

И пессьö кө на помтөм-дортөм ваыс,
И талун кө на быгъя сылөн сыв,
Дзор гыыс сьөрсьыс берегъясö вайö
Нель повтөм сьөлөм йылысь сьыланкыр.

* * *

Эм чужан му. Эм аслад быдтас-петас.
Эм аслад власть. Эм тэныд вичмём нэм.
И быдтор вылө, мый коть вөвсьö светас,
Век тэнад асшөр видзөдласыд эм.

Но торъя нимкодъ тэныд лолө сэки,
Кор мөвпыштан, мый миян кадлысь мич
Субботникдырся керйöс моз жö лэптö
Да нуö тэкөд öтвылысь Ильич.

ВЫНИЙӨРА И ТОМ ТЭ

Тэ и алөй, тэ и лөз,—
Вынийөра и том тэ.
Тэнө ыдждөдлөны йөз:
Шудыд, сідэкө, помтөм.
Зарни лучнад кучкы вай —
Сьөлөмъясө кучкы,
Быдлаын, көн ветлан, Май,
Медым вөлі лючки,
Медым лөкыслы эн шед,
Пыр мед вөлін ярөн,
Ертлы моз тэн радлө мед
Мирса пролетарий,
Тэнад воськовкөд мед пыр
Йитчө воськов менам.
Тэкөд эскөмөй оз быр:
Ми, мый колө, венам.
И, көть өшйывлө на грөз,
Ыджыд шудным помтөм.
Өттшөтш алөй тэ и лөз,—
Вынийөра и том тэ.

СЛАВА

Россиялысь тӧдӧны слава
Йӧз муясын оз ӧти нэм.
Мый сэтшӧмыс ылі Полтава —
Швед паметьын ӧні на эм.

Бур сьӧлӧмӧн овны век колӧ.
Ог грӧзитӧй некодлы, но
И ӧлӧдан кыв пыдди олӧ
Кодсюрӧлы Бородино.

Враг водзын эз усь Севастополь —
Бур олӧм сэсь враглы эз сюр.
Оз, сьӧлӧм оз прӧстӧ сідз топав,
Кор казтыштам ми Порт-Артур.

Важ туй кузя сӧмын ог довгы,
А паметьлӧн ас пӧлӧс суд.
Сувт син водзӧ, миян Каховка!
Збой ловъяс плацдармнад тэ сувт!

Эз олӧм, а смерть шы тан лӧвтис:
Лӧз Волганым тӧдліс лӧк кад.

Но дзорлунсö ас вылысь чöвтіс
Да бöр лоис том Волгоград.

Тэ, славаöй, сöмын мöй косьын
Россиякöд тöдмасин? Эн!
И уджын тэ миянлы воссин.
И празникыс лöсялö тэн.

* * *

Прощайтöй, комсомольскöй вояс!
Ог сэсся паныдасьлöй ми.
Мен немла дзэбны сьöлöм дойöс.
Но, томлун, тэныд ог сет ки:
Мен водз на янсöдчыны тэкöд,
Ме ордысь пышйыны тэн водз.
Мед вояс мунöны — но век öд
Ас мулön дона дзик быд содз.
Эн элясьöй тi, югыд вояс,
Мый панi мöд сикас мотив.
Страна! Со кодi светсö койö,
И сытöг тi йылысь ог сьыв.
Странаöй кодзувьясöдз кайис.
И тайön лоис ещö том.
Ми шудсö сылы асьным ваям.
Тэн, томлун, сiдзкö, абу пом.
Ог ов ме öти лунся дойön
Ас пилön бать — ас мулön пи.
Прощайтöй, комсомольскöй вояс!
Он вермöй некор вунны тi.

ЭМӨСЬ ДРУГЪЯСЫД ТАҢ

Мирнөй ру океан весьтын сылө.
Изъва юдорса коз важкодъ веж...
Изъва ягъяссиянь сэтшөм тэ ылын!
Юкө миянөс кымын рубеж!
Сьөлөм өдөба пессьө. И төвзьө
Мөвпөй тэланьө друг динө моз.
Со тай, видзөдтө, шенасьө төвсьыс —
Быттьө чолөм тэн ыстө том коз.
Куба, донаөй, абу тэ өтнад.
Таң, Сөветскөй Россияын, ми
Аддзам ясыда, войсө кыз вөтлан,
Кызди пиыдлөн выныштчө ки.
Гөра йивті пөсь шондйыс тюрө,
Сылы тэкөд, дерт, мустөм оз ло.
Гөгөрвоам өд, донаөй, бура,
Кодлы тэ сьөлөм вылас он во.
Но мый торкасьө кок улад — венан.
И ог весь татшөм сёрнияс пан:
Эм Свободалөн Армия тэнад.
Эм Фидель. Эмөсь другъясыд таң.

А ПАРМААД ВОЛЫВЛӨ ТӨВ

*Горизонт таласө
Чорыда доръя.*

Вас. Елькин

Тэд шондыс некор нин сэсса оз пет.
Узь медбөръя вольпаяд сәні.
Эн элясь, ас му вөсна усьөм поэт,
Мый арлыднам суөді тәнө,

Мый вемөсөн некор мен воча он во,
Мый киасьны тэкөд ме сөрми.
Портретын сук юрсиыд менам кодь со,
Оз гежөдмы сійө, оз дзормы.

Сюсь видзөдлас тәнсьыд век видзө портрет.
Но сійө — портрет... Оні эськө
Ас войтыркөд өтвылысь петны и тэд
Збой сьылөмнад чужан му весьтө.

Ми шогпырысь эскам, мый смертысь эн мын,
Кор Му шарыс кок улад ветліс.
Но збыль мөй нө пулялөн сы мында вын,
Мед вины и шысө поэтлысь?

Тэд Волховскöй фронт вылын кызь во нин чöв.
Странаным выль шудлунсö кылö.
А пармаад Рытывсянь воывлö тöv,
Код воліс и тэнад гу вылö.

Кыз мамлөн да Рöдина-мамнымлөн пи
Тэ миянысь некор он торъяв.
Öд тэ моз жö кывбуръяс гижамöй ми,
И горизонт таласö доръям.

Г ы

Но и ярлун моревывса гылөн!
Изъя берег төдө сылысь көр.
Вувзысьлас веж гыыс берег вылө —
Доймөмысла сәсся кослас бөр,

Видзөдан да — ырыштчөма, тонө,
Бара нин со окалө быд чир.
Тшөтш и гылы тайё муыс дона:
Уна вөлі кисьтлөма тан вир.

* * *

Вой төв лөнис. Кыа
Мусюр сайын сылө.
Ошинь улын бадь пу
Век на кышакылө.
Гашкө, сэтшөм ногөн
Сийөс казытө пуыс,
Коді усьлі бойын,
Кодлөн ылын гуыс,
Коді пусө вайліс
Татчө, өшинь улас:
Выльлаын том бадькөд
Ладмис сәкся тулыс.
Мортыс вөлі визув,
Мортыс вөлі сяма.
Виччысьө, оз вермы
Пуыс овны рама.
Вой төв воліс — муніс
Ылө, ылө, ылө...
Ошинь улын бадь пу
Век на кышакылө.

ТУЛЫСЛЫ

Ассьыд сямтö мир водзын тэ восьтан,
А тэ водзын асьсö восьтö мир.
Югыдлунтö тэнсьыд енэж босьтö.
Сöдзö весиг океанлөн йир.

Тулыс, тулыс, сьөлөмшөрöй, төдан,
Радлунöйлы мыйла абу пом?
Аддзан ачыл, миянö кор мөдан,
Мый странаöй тэ кодь жö пыр том.

Сэк, кор тэнö паныдалö муным,
Бöрынтьчö лёк бушковъяса төв.
Тэ пыр право серти верман шуны:
«Метөг эськө-й гожöмыс эз вöv».

МЕ ОРДЫН ПУШКИН

Быттьö киася ськөд, кор босьта
Сылысь, дона поэтнымлысь, том.
Ыджыд сьөлөмсö ме водзын восьтö.
Лыддя, лыддя... Көн радлунлы пом?
Донсö гижөдлы кутшөмөс сетны?
Стöча висьтавны некыз ог куж.
Да и колö-ö? Пось кыв поэтлөн
Вөчö тырвийö колана удж:
Лыддя шог йылысь — зэв шог и меным.
Лыддя мич йылысь — шоналö лов.
Менö быттьökö кутлö сідз гений,
Таысь ыджыдджык радлун оз ков.
Ошинь сайын оз омляв нин бушков,
Гыөн ыльöбтис шондіа лун.
Пушкин! Ме ордын гөститö Пушкин!
Сійос лыддя — и сійö оз мун.
Ой, да кымынысь кольлам на кыкөн,
Ыджыдторъяснас юксьыны мед!
Ме ог янса велекөйкөд ськөд,
Кытчөдз смертъыслы сывйö ог шед.

МЕНАМ ВРАЧЛЫ

Московскöй рыт. И кыа югөр
Туй вомөн нюжөдчөма сідз,
Мый эскан; олөмсө он дугөд,
Он кусөд сылысь ыджыд мич.
Людмила Павловна, прөщайтлөй!
А гашкө-й, аддзысьлам на ми?
Өд со тай, бурдны эг жө чайтлы,
Да кужид бурдөднысө Ті.
Ті важ моз лым-еджыд халата.
Больнича гөгөр — вежысь-веж.
И кажитчө, мый гожөм татысь
Дзик сэсса некытчө оз кеж,
Көть чужөманыд чукур визьяс,
Көть юрсиысь оз сыв нин пуж.
Он кужөй, доктор, асьтө видэны,
Да-й гөгөрвоа — сэтшөм удж.
Оз ор мед кадтөг мортлөн олөм,
Он узьлөй мукөд дырйи вой.
Бур, вына мортөн лэны колө,
Мөд мортлысь медым кывны дой.

Да Тi и асьныд тайӧс тӧдад,
Тан пасъя сийӧс ме, мый эм.
Ме сиа Тiянлы, тась мӧдiг,
Бур шуд, кызэ шусьӧ, да кузь нэм.

Оз, олӧм оз на сувт мен паныд,
Кызэ сылы паныд ме ог сувт.
Кор гижӧд йылысь сёрни панад,
Сэк дона мен тшӧтш Тiян суд.

Кор чужан Войвылын ме кыла,
Кызэ ошкасны мӧд врачӧс сэн,
Людмила Павловна, дум вылӧ
Тi бара усянныд сэк мен.

Московскӧй рыт. И кыа югӧр
Туй вомӧн нюжӧдчӧма сiдз,
Мый эскан: олӧмсӧ он дугӧд,
Он кусӧд сылысь ыджыд мич.



Вояс кывтöны тöв нбылыд и тöв паныд,
Вояс вайöны и нуöны быдтор...
Олём йылысь, ёртöй, сёрни панам,
Мый нö кöть и кадыс öнi сёр.
Со тай, вой,— а сёльгö визув юыс,
Со тай, вой,— а шöпкöдчö том вөр.
Мортлөн лышкыдлунөн озыр муыс,
Мортлөн бурлы эскö парма шөр.
Олö морт, а коркö-й сэссия шуас:
«Тэ вай прöщайт, татчöс вöльнöй свет!»
Сöмын нэм оз вунöд сийöс муыс,
Вöчлөмторйыс вунöдны оз сет.
Олём, олём,— медся ыджыд козин,
Некор помасьлытöм сыланкыв.
Сылы паныд сувтны öмöй позьö,
Кöть оз быдөн сылысь öдсö кыв?
Нимкодясьö мулөн паськыд баныс,
Кор сы весьтын лыбö выльлөн гор.
Вояс кывтöны тöв нбылыд и тöв паныд,
Но ми тöдам: мувыв гаж оз ор.

Эк, лунъяс, өдийö жö тi мунад...
Со мамö бара гижö мен:
«Тэ эн-ö мянöс нин вунöд?
А, гашкö, пиук, висьмин сэн?»

Зэв важөн письмöйд эз волы...»
Мам сьөлөм, тöда, висьö, дерт:
Эз мамö öмöй сет мен олөм,
Эз сийö морöснас мöй верд?

Ме быдми, мортъямми, и сьыла
Страналысь вынйөр, сылысь мич.
Йöз сёрниысь ме весиг кыла,
Кызд содтöны ним дiнам вич,

Кöть вöчөмторлөн доныс улын,
Кöть ыджыдторсö эг на тэч.
Но — гражданин сöветскöй мулөн —
Ме выльмөм лунъяслөн боец.

Ас поколеньекöд ме зiля,
Мед кадлön вcьсласысь ог коль.
Ме тшöтшъяяскöд ола выльöн,
Кöть лишнöй та йылысь ог доль.

Ми кылам (чувство оз öд ныжмы)
Великöй делöяслысь гор.
Но частö дышöдчылам гижны
Ас мамлы прöстöй письмöтор.

МИЯН ВЫЛЬ ВО

Важөн нин эз волы этатшөм гөсьт.
Бара со во кезлө воис.
Лолыд кө радлө — и сьөлөмыд пось.
Радуйтө йөзтө Выль воыс.

Буркөд да вылькөд век аддзывлім лад.
Вичмөдам вөчантор уна.
Олас тан Выль во, а кор тшөктас кад,
Миянысь, важмас да, мунас.

Мунас. Оз бергөдчы. Сөмын зэв дыр
Бурөн ми казътивны пондам.
Шудным өд важтөгыс оз жө ло тыр.
Лов сайысь бурсө он конды.

Кыланнид! Кыпыдлун шыалө со.
Шуамө:

— Ыджыдав, праздник!
Кутшөмджык сяма тэ лоан, Выль во,—
Сыысь ми кыв кутам асьным.

ТӨВСЯ АСЫЛӨ

Вой төв омлялө лёкысь —
Ок и, сё морыд, скөр!
Паськыд войвылас сійө
Быттьө некыдз оз төр.
Ывла — өтторъя турөб,
Но и, колөкө, мед!
Аддза, пос помө петө
Менам пöрысь сусед.
Абу куш киа — зыръя.
Вывлань видзөдліс со:
Эз-ө неладнө мыйкө
Төвся енэжкөд ло?
Нинөм торъяыс — вой төв
Дуртөг овны оз куж.
...Дедө тэрмасьтөг вөчө
Ассьыс төдчана удж.
На тэн, вой төлөй, на тэн!
Кыті оз ков — эн тол.
Пырысь-петысьлы лымйыс
Тані дзик ковтөмтор.

Дедö шпыньмунлас сöмын,
Сылысь уна он босьт:
Сылөн вöрасын стöчлун.
Сылөн видзöдлас — ёсь.

Лымйыс бöрынтьчö, чинö:
Зырö сійöс сусед.
Сійö сибавны любöй
Нелючкилы оз сет.

Меным долыд, мем нимкодь,
Мый сусед татшöм эм.
Сыкөд шудаджык овсьö
Тшöтш и свет вылас мем.

* * *

Гы бөрся гы, гы бөрся гы
Да каляяслөн горзöмыс,
Да мудзтöм төвлөн лэчыд шы,
Да кыа билөн ворсöмыс,
Да чери кыйысьяслөн стан,
Да пожöм лаплөн шенасьöм —
Дзик ставыс меным муса тан.
А муслун кодкö венас-ö?
И ловлы сэтшöм шоныд сэк,
Кор чери кыйысь нюмъялö.
Öд сийö сьöмъя эзысь век
Печора юысь гумлалö.
«Эк, шуас, мича лоас лун!
Эк, ёртъяс, юсö сывъялам!
Мед пыдö шондйыс оз сун,
Вай шондйисö тшöтш тывъялам!»
И бара шызьöма ю выв,
Пыж боксö ваыс мыськö нин.
Бригада лэдзö тыртöм тыв,
Мед тырөн сийöс кыскыны.

ИЗЬВА, ИЗЬВА

Вольной гыд йоктö вальс:
Визувлуныд эм на.
Изьва, Изьва, изья ва,
Донаой тэ менам.

Асшөр шыяс водзö ну.
Шыльöd коськьяс. Кötь и
Уна свет вылас эм ю,
Да öd тэ дзик öти.

Кыдзи муслун, кыдзи мам —
Öти, да и ставыс.
Тэнö радейтöм оз ям,
Ме ог шогсы таысь.

Отиторйысь пола век —
Ачyd мед он ям тэ.
Яман — воштан мичтö сэк,
Воштан збодер сямтö.

Казявлін öd? Тэ кө тыр,
Шпыннялö веж вортас.

Тэөн нимкодясигтыр,
Дзоридзалө сьөртыс.

Морттөг тэ эн овлы, эн.
Мортлы өд тэ колан.
Мед жө гажтөм лолас тэн,
Дыр кө ме ог воны.

* * *

Машина уджалө, кыздэ колө,
Кыздэ колө, кывтө пароход.
И бара ворсө радиола:
Оз прөста кыпыдлуныс сод.

Ас сикас мичсө бара восьтө
То школьнөй, то салдатскөй вальс,
И ныв-зон вальслөн гыяс костын
Со бергалөны коймөд час.

Тэ том йөз гажас верман пөдны,
Но гажсө некызд тась он ну.
Борт сайын — вой, роч нойысь сьөд на,
Борт сайын — ва да арся му.

И ю выв бакенъяслөн бияс
Дзик войбыд мигайтчөны сэн,
Од найөс өзтис мортлөн кийс,
Мед туйсө весиг вой эз вен.

А вальслөн гыяс костын — серам,
И шуткаяслы абу пом.

Тан лоны букышён он вермы,
Тан весиг пёрысь лолё том.

А Ыджыд Кёш *, коть нэмъяс öзйö,
Ныв-зонлы вежöктö зэв дыр.
Кыз быттьö сйö татысь кöсйö
Том шудсö гумовтны кöш тыр.

* Ыджыд Кёш — Большая Медведица созвездие.

ТУЙЫН

Тан самолётын, быттьөкө гортын:
Бортпроводница чай вайис кортөг.
— Ю,— шуө сійө,— юртө эн өшөд.
Дзоргыны муө эштан туй чөжыд.
— Аттьө тэд, Валя,— меліа шуи.—
Вайин да, дерт нин, пось чайтө юа.
Бордувса кымөр вочасөн оньдө,
Валялы синмас видзөдө шонді,
Быттьөкө янсавны ськөд оз көсйы.
Валялөн кудри дзик быттьө өзйө.
— Кытысь нө ачыд?— юалі сөмын.
Вежсьыштіс нывлөн сэк чужөм рөмыс:
Оз тусь вир содіс роч нывлөн банө.
Радлігсор ликтө Валя мен:— Тані,
Тані со чужлі кызь вит во сайын.
Аддзан, посёлок? Тшын, аддзан, кайө.
Мамөлөн, гашкө, ломтысьө пачыс.
Чай, көнкө, юө тэ моз жө ачыс.
Аттьө тэд: төдін, юавны кодыр.
Со тай и школа. Со тай заводыс,
Токарөн вокө уджалө сәні...

Тадз чужанінөн төдмөдї тәнө.
Ныв өшинь дорысь вешйыны полїс,
Мам ордө думнас, тыдалө, волїс.
Шондїкөд орччөн лэбам и лэбам.
Зіль самолётлөн тырмө тай эбөс!
Улын — шоссе, быттьө кыйсьысьлөн ордым.
Друг самолёт крута качнитіс бордөн:
«Төдтөм посёлок, тэныд пөсь чолөм.
Тэ весьтө аски бара на волам.
Тыдавтөм туйөд бөр лэбам аски.
Поводдя сөмын лөсьыдөс дасьты».
Регыд ми воам, пуксям Москваө.
Чужисны надзөн кывъясыс тайө.
Лэччыны кутім — ныв юкліс кампет.
— Кызди нө, Валя, шуоны мамтө?
— Павловна: йөзыс шуоны тадзи.
Ме быдса во нин сійөс эг аддзыв.
Төдтөм посёлок төдсаджык лоис,
Туй помным миян регыдөн воис.
Кытчөдз эз примит миянөс муыс,
Павловна быттьө чай мекөд юис.

КЫДЗКАР СИКТ

Кыдзкар сикт.

И югдөдө кыр йывсө

Быгыд төлысь — ачыс эзысь дзик.

Сылыгтырйи ветлөдлөны ныв-зон,

Мед и войнас чөвсө эз төд сикт.

Кыдзкар сикт.

Выль кыа рөммө-рөммө

Ылын пестөм ыджыд бипур моз.

Коді кодкөд войнас окасьöма —

Весиг катша оз на китшкы, оз.

Кыдзкар сикт.

Яр шонді вывлань кайö —

Пельпомөн моз лэптö сійöс кыр,

Асывсө мед шонді водзджык ваяс,

Рытнас дырджык мед оз саяв-пыр.

* * *

Аттö, вöрыс! Тöвся вöрыс, видзöд,
Кутшöм зумыш, кутшöм сійö чöв!
Тэ и ачyd нимкодясян сідзи,
Быттö öнöдз некор тан эн вöv.

Вöрыс — збыльысь помасьлытöм мойджыв,
А ми пырам сэтчö гортö моз.
Миянöс мед емъяснас не дойдны,
Шевгöдöма кияссö дзор коз.

Любöджык жö, тыдалö, и сылы,
Мый сы дінті довгам лызя йöз.
Тöдам: енэж, кöть и вывтi вылын,
Абу век со талунья кодь лöz.

Тайö сійö козинавлö слötөн,
Тайö сійö вичмöдлывлö шер.
Вöрыс быдтор тöдö, дерт, оз вötөн,
Вöрыс тöдö олöмыслысь сер.

Кыскö сійö ас пыткас век ылö,
Кöні ветлö-бовьялö лöz ру.
Паровоз со көнкö тутсö, кылö,
Быттö вөркөд чуксасьö: «Ау!»

КОР КАЙӨ ТРУБАЯСЫСЬ ТШЫН

Кор керка трубаясысь тшын
Лөнь асывводзын кайё,
Ми кылам олёмлысь бур вын,
Код ветлөдлө вир-яйöd.

Кузь войбыд йöжгылясис коз:
Дзик едждiсны веж кияс.
Но, коть и лыйсьö на мороз,
Со бöрыньтчö нин сийö.

Сэк петук шыкөд йитчö тан
Москвалөн муса гөлөс.
Сэк локтысь лунсьыс дзебö бан
Сöветскöй герба төлысь.

Сьöd тошкас кызөдiгтыр Кир
Конюшняö сэк мунö.
Сэк кыйсьысь Рөдьлөн шойччан кыр
Яр кыа сывйö сунö.

Сэк накөвальня, бара пым,
Лөз бикиньяссö чужтö.

И дзуртö кокъяс улын лым,
И юкмöс-тури ружтö.

Правленье дорын грузöвик
Кöрт сьöлöм шонтö ассьыс.
Пöсь чолöм тэныд, чужан сикт!
Тэд копыр, мирнöй асыв!

Öд керка трубаясысь тшын
Дзик небесаöдз кайö.
Ми кылам олöмлысь бур вын,
А сийö радлун вайö.

АВГУСТ

Югыз войяс мунісны тась ылө.
Пемыд пиас туйсө воштіс төв.
Еджыз руыс петіс берег ыылө.
Гөгөр чөв. Ак, гөгөр кутшөм чөв!

Кадыс мөдіс катовтчыны арлань.
Шуоны, мый таво няня во.
Бара төлысь, быттьө пөчлөн чарла,
Рудзөг муяс весьтын өшйис со.

Сюрас на и чарлалы тан делө,
Но сы йылысь сывны дугдам вай.
Кылам нин ми ставөн, кызди келө
Зарни гыяс костті чож комбайн.

Быдөнлы зэв шоньд аслас думысь.
Эз на бара сямным миян быр.
Август, август. Сэтшөм сійө зумыш:
Страдна водзын ыджыз төждөн тыр.

МИ, ТӨРЫТЪЯ ЗОНКАЯС...

Век паськалө-содө бур слава страналөн...
Ми, төрытъя зонкаяс, быдтысям талун.
Ми быдтысям, тодам, мый челядьным миян
Оз уськөдны славасө — нывъяс и пьян.
Оз уськөдны славасө — лэптасны вылө,
Мед на йылысь юралө матө и ылө.
И матө, и ылө... Мед Рөдина-муным
Пөсь аттьө кыв быдөнлы вермис сэк шуны,
Пөсь аттьө кыв шуны да радейтны найөс.

А муслун страналөн — оз век вичмы тайө,
А сэк, кор нин вужъясян сьөлөмнад-ловнад
Ас мукөд — ни енмысь, ни чөртысь не повны.
Веж знамясө му весьтө павтыртис тулыс,
Мед челядьным аддзисны мичлунсө мулысь,
Мед аддзисны йөзыслысь лышкыдлун найө,
Мед эскисны; бурторсө немтор оз сайөд.

Вай быдмөй ті, донаяс, нывъяс и пьян.
Бать сьөлөмсянь өтитор содтөд ми сиам:

Ті, быдмад да, энö жö вунöдöй бара,
Мый шуднытö ми öд на дасьтiм зэв яра,
А миянлы — батъяс, а батъяслы — дедъяс.
Оз кушинын, дерт, быдмы-сöвмы выль петас.
Ті перъянныд выльöс — эм пай миян таын.
...Ми, тöрытья зонкаяс, быдтысям талун.

КОММУНИСТЪЯС

Коммунистъяс — шудсö пестысь йöз,
Шудыслы öд некор оз ло дзескыд.
Абу дзик быд пöрийö енэж лöз,
Но век бурö эскы.

Коммунистъяс! Наöн кыптö нэм.
Сöмын накöд, кытчö колö, воан.
Вежöрыд кö шань да сьөлöм эм,
Ставсö гөгөрвоан.

Кöни правда — джынъя, кöни — тыр,
Пырсö, вермас лоны, он и казав.
Кадыс, збыльсö эрдö мыччигтыр,
Лөжлысь гөрöд разяс.

Коммунистъяс отсаласны тэд
Аддзыны и эсийöс, и тайöс.
Овлö сьökыд? Кокниа оз шед
Сьөлөмбердса Майыс.

Кадыс, ёртъяс, кыö ашөр висьт,—
Коммунистъяслөн бур уджысь кыö.
Менам батьö вöлі коммунист —
Меным лоны сьөн.

НИМЛУН КУЗЯ

Август.

Кыпөдчө выль гажа лун.

Чолөм, сикт!

Тэн, Республика, копыр!

Мед көть кытчө ас нэмөн ог мун,

Бөръя лов шыөдз менам он вун

Тэ, Республика, тэ, дружной котыр.

Югъяв, шонди!

Тэ аддзан быдтор.

Но и пыравлан кымөръяс сайо.

А өд муыввса удж шы оз ор,

Мөд ног — вөвлытөм шудсө он дор,

Мөд ног — гажлунсө мато он вайөд.

Сэтшөм мусаөсь ас муын мем —

Югыд тыяс и сөдз ваа юяс.

Усис миянлы зэв шуда нэм.

Совет власть миян ставнымлөн эм —

Эз на вөв табись ыджыдджык туйыс.

Вай жö босьтчам, землякъясöй, ми
Коммунизмсö тшöтш матыстны татчö.
Али миянлы кад оз бурси?
Öд и миян маякъяслысь би
Важмöм мир талун, вежöктіг, аддзö.

Югыд кад!

Сöмын стрöит да ов,
Мед гордитчисны батьясөн челядь.
Ми ог тшапитчöй — сійö оз ков.
Но быд вермöмысь шпынняялö лов.
Сідз, Сöветскöй Россиялөн пельöс?

Сідз, Республика?

Сідз, чужанін?

Ставыс ас, ставыс выль — йöзыс, муыс.

Кыптысь петаслы радуйтчö син.

Мирнöй флаг улын слава оз чин,

Мирнöй флаг улын содö бур вын:

Вöчам сідз, кызди Партия шуас.

ДРУГЛЫ

Кузь туй бөрын кутлан ичөт питө:
Радлунтө оз чышкышт туйвыв мудз.
Топөдлө нин пиид веськыд китө,
Кутлынысө сывйыс оз на судз.

Гөтыр петө кильчө вылө паныд.
Пыран гортад. Шоглун ки оз сет.
Любө тэд семейнөй олөм баныс,
Өшиньсайса мирыс дона тэд.

Котөртө бур туйыс кильчө дорсянь.
Эм кө мог — свет помөдзыс көть мун.
Шуд — ми сийөс йөз муысь ог корсьөй.
Туйын, гортын — шуда быд выль лун.

Строитель посёлокын ме ола-выла...
 Мен вежөсын дзескыд, а ывлаын слөт.
 Рыт сёр. И Москва меным пельөссянь сьылө,
 Мед гажтөмлун весиг и рытнас ог төд.


Ме төда, мый туйяс тан тшыкисны бара,
 Од слөтыскөд важысянь ёртасё няйт.
 Но, резина сапөга, асыгнас карө
 Ме мөда — и норасыны ньөти ог чайт.


Дай норасыны кодлы?
 Дай норасыны мыйысь?
 Лёк слөт вөсна, дерт, горсоветө он мун.
 ...Посёлокным вочасөн кусөдө бияс:
 Бур йөзыслы колыштө шойчөг да ун.


Но, чөрт төдө, мыйла мен пукавны колө
 Да тэчны строкаясө кыв бөрся кыв,
 Кыдз быттьөкө дзугыльнас некор ог лолы,
 Кыдз быттьөкө олөмөй — сьыв сөмын, сьыв,

Кызд быттьө и вой шөрыс мен абу вой шөр
 Да, гижөмысь кындзи, мөд радлун оз ков.
 Но ачым ог казявлы — полөмөй вошө.
 Но ачым ог казявлы — шоналө лов.

И бара нин думъясöй нуоны ылö.
Оз йөршитчы вежösам олöмыс, оз.
Со аэроплан көнкö енэжас кылö
И кодöскö чуксалö важ паровоз.







ГЫМ ВЕТЛӨ ЫБӨД

Вай босьтчы, сьыланкыв, да вен
Быд лёксö миян важ му вылысь,
Мед дзескыд лоö тән нель стен,
Мед унджык лоö тәнö кылысь.

Он кокнидика сетчы мен.
Ог век ме тэкöд овлы лада,
Дай частö чусавлан тэ сэн,
Көн трачкакывны корö кадыс.

А кодлөн, кодлөн таын мыж —
Тэ ачид, сьөлөмшөрөй, төдан.
Мед водзө сямөй оз ло ныж,
Вай ыбъяс вылө тэкөд модам.

Кор вочан делө — он төд шог.
Нянь быдтысь тадзи радлө арнас,
Кор збыльмө сылөн ыджыд мог —
Йөз шудлөн вылө гызьө зарни.

Но өні тулыс. Асывводз.
Ас туйөд шонді вывлань мөдіс,
Мед ыблысь шонтыны быд содз,
Мед сылысь төждсө быдөн төдім.

И шонді водзын нюмдіс ыб.
И сэтшөм кыпид гөгөр лоис!
Көть трактор шыыс оз на кыв,
Но тувсов уджлөн праздник воис.

Тэ, муөй, сьөд. Но төдам ми,
Мый сөстөм сьөлөмъяса йөзөс
Тэ радейтан. Быд турун сі
Тэн, копрасигмоз, атгьө вөзйө.

А со и ачыс тан Семён,
Бать нимыс кузя кө — Семёныч.
Ог куж ме сылы сетны дон.
Да сюрас өмөй сэтшөм доныс,

Код восьтас уджач мортлысь мич,
Код петкөдлас бур мортос ставнас?
...Семён Семёныч муно сидз,
Мый аддзан: праздник сылөн талун.

Еджыд дөрөм пасьталёма
Фуфайка улас.
Бедьтор — киас.
И югъялыштө сөстөм көм.
И асывводзсянь бритчөм сийö.

Тадз муно сиктса гражданин.
А восьлас паськыд, восьлас зумыд.
И, дерт жö, содö, а оз чин
Сы чужөм вылын югыд нюмыс.

...Гым! Көни? Енэж сөстөм дзик.
А ывла кыпыд, ывла кыпыд.
И нимкодясё миян сикт:
Гым талун ветлö Ёльдор ыбөд!

А гымсö новлөдлö Семён!
Да, гымсö новлөдлö Семёныч!
Кöрт пуклöс — трактористлөн трон,
Эз вöвлы царлөн татшөм троныс!

Да кысь нö? Царыс татшөмтор
Эз паныдавлы весиг вöтнас.
А трактористлы нем оз сор:
Сьöd гыыс трактор бöрся вöтчö.

Но гы оз ветлы, гы оз вөр:
Эз төвныр сійӧс тані чужты.
Плуг, быттьӧ ортсыӧ оз тӧр,
Быд лемехӧн му пытшти нюжтӧ.

Кӧзяин тӧдӧ ассьыс му:
Тан тыдовтчӧ бур сямьыс сьлӧн.
Сы йылысь, мый тан быдмас сю,
Збой чикыш аслысногыс сьылӧ.

Сьӧд гысӧ кырӧ зарни луч —
Тадз шонді кӧсйӧ отсӧг сетны
Семён Семёнычлы. Оз мудз
И отсавны став вӧльнӧй светлы.

Эм ыджыд кыпыдлунлӧн дой,
Код, овлӧ, вазьӧдлывлӧ синтӧ.
Эм уна ми пӧвстын герой,
Геройӧн найӧс кӧть ог нимтӧй.

Ак, кужӧ миян прӧстӧй морт
И му выв мичмӧдны ас уджӧн,
И сыланкывлы сетны борд,
Кор колӧ — гажӧдчыны кужӧ.

И шутка кыв, и сёрни сям —
Оз мырдӧн артмы ставыс тайӧ.
Кор шойччӧ сійӧ — рамсьыс-рам.
А уджын — пытшкӧс жарыс кайӧ.

Век, уджйёза ме лоа век
Странаой водзын, сиктой водзын,
Семён Семёныч водзын. Эк!
Оз чукты мортлы шудыс соддзён,

А сөмын войтён. Но и мед!
Ме ассыым вежөктөмөс вена.
Оз кокныдыка вермөм шед
И ыбсө гөрысьлы, и меным.

Кор честной уджын кисьтан пось,
Сэк төдлан вермөмъяслысь радлун.
Ас муын некод абу гөсть,
Но оз быд морт кыв өдсө кадлысь.

А кор Семёныч гөрө тан,
Кор ыбсө чукрөдлө, сэк сылөн
Дзик быттьө шыльдымылө бан,
Быд чукур вошлө чужөм вылысь.

Гөр, дона ёртөй! Ыблөн гуг
Тшөтш медем видлас шондї көрсө.
Ме тәнсьыд праздник ог мөй юк?
Эм менам аслам «ыб» да «плуг»—
Көть сьөкыда, но век жө гөрсьө.
И надзён чужө сьыланкыв,
Көть телезнаыс кольлө сәні.
А олөм паськөдө век сьыв,
Став мытшөдьяссө корө венны.

Ми шудаёсь, мый миян нэм
И стрөг, и чож, а могным ыджыд.
Ми шудаёсь, мый миян эм
Народ — и ышөдысь, и мыджөд.

Ми, йёз, дерт, мудзлам. Сөмын кад
Оз мытшасьлы, век водзё мунё.
Ю вомён вуджысь шонді рад,
Мый уджён озыр тувсов луныс,

Мый вөр-ва бара эз ло рам,
Мый бурыс мортлөн уджын лыбё.
И ыбын төдчө мортлөн сям:
Гым ветлө ыбөд, ветлө ыбөд.

1961 во

ПИЌС КОЛЛЬЌДИС МАМ...

— Но тырмас, мамукӧй,
Эн сӧссия бӧрд.
Вот вӧтлам вӧрӧгӧс
Да-й локта бӧр.

И пӧся окыштӧс
Бур мамсӧ зон.
Мам вештӧс син дорсьыс
Выль чышьян пом:

— Тӧ прӧстит, сӧкӧлӧй,
Ме прӧстӧ, сӧдз...
Видз сӧмын шуднымӧс,
Кыдз колӧ видз.

А батыс пиыслыс
Дыр ӧз лӧдз ки.
«Но, мун!»— баты синьясыс
Тадз лыддис пи.

Машина тутӧстӧс
Трубач моз дзик.

Прөщайтлөй, донаяс!
Прөщайтлы, сикт!

Руд буснас колльөдис
Зэв төдса тракт.
А орччөн гөгыльтчис
Гөрд шондi.
Ак,

Сё шыа ягъясөй!
Ой, өтка көк!
Войналөн грымгөмыс,
Он төдөй, көн?

А лун төв шутьлялис:
«Эн шогсьөй, эн»...
Көк көкис зонмыслы
Кузь нэм, кузь нэм.

Ар помын мөдөдчис
Пи бөрся бать.
Мам бара сулалис,
Кызд дзугыль бадь.

А верөс бурөдис:
— Вай эн нин бөрд.
Вот вөтлам вөрөгөс,
Да-й пикөд — бөр.

Но гөтыр правдайтчис:
— Ме прөстө, сідз...
Видз пикөд шуднымөс,
Кызд колө видз.

Кад йитліс вочасөн
Лун бөрся лун.
Мам частө воштывліс
Вой шөрся ун.

А регыд төдім тшөтш
Суседьяс, ми,
Мый өти частьынось
И бать, и пи,

Мый служба нуоны,
Кызд тшөктө кад.
Мам татшөм юөрысь
Ок, кутшөм рад!

Удж вывсьыс воас да,
Көть өшөд сой.
А лыддяс письмөяс,
И чинө дой:

Мудз пышйө кытчөкө,
Бөр локтө вын.
Но мам лёк юөрсьыс
Эз бара мын!

Со кутшөм вөлөмыд
Тэ, курыд шог!
Мам дінас пиукуыс
Оз сэсся лок.

Атака бөрвылын,
Чөв пуксьөм кор,
Бать писö дзевöма
Сэн югдандор.

Пи узыö крепыда.
Мед шойччас, мед.
Выль бойö кык пыдди
Бать оз мөй пет?

Пөсь синва сотыштіс
Салдатысь бан.
Бать дорис вермөмсö
И сэн, и тан.

Берлин сы кок улö
Кор усис, сэк
Ми аддзим: мирыслы
Век овны, век.

Öд татшөм шуд кузя —
А тайö шуд —
Москваын грымöбтіс
Салют, салют!

Россия радысла
Эз өмөй бөрд?
— Но, гөтыр, верөсыд
Со воис бөр.

Нель во чөж тувччалі,
Мед лоны тан.
Вот сөмын...
Шогалө
Оз өти мам.

— А сійө, донаным,
Век лоө том,—
Мам вештіс син дорсыыс
Важ чышъян пом,

А сэсса малыштіс
Зэв ньөжйө сідз
Медальсө верөслысь,
Кыдз шудлысь сі.

Дзик некор кадыслы
Бөр туй оз ло.
Кад йитлө вочасөн
Во бөрся во.

Кор льөм пу дзордзалө,
Сэк көкө көк,
Но мамлөн сы вылө
Оз петлы лөг.

Мед кӱкӱ, вермас-ӱ
Сэн лоны мыж?
Муывьса лӱкыскӱд
Эз помась тыш.

Мам частӱ вӱтавлӱ,
Кыдз быттӱ пи
Век ловья, косясьӱ,
Оз личӱд ки.

Пи быттӱ шуалӱ:
— Эн шогсьӱй, эн.
Фашизмлысь колясьяс
Ме эг на вен.

Но вена, вермала,
ӱд ме — салдат.
И мен тшӱтш, усьӱмлы,
Враг оз ло рад.

Тӱ асьныд тӱданныд
Выль шудлысь дон.
Меч босьтны вӱрӱглы
Он сетӱй, он.

Мир, кодӱс перйылим,
Сӱдз видзад тӱ,
Мед некор Му вылын
Эз ыпьяв би,

Мед водзё олінныд,
Эн төдөй шог,
Мед водзё збыльмөдид
Ті асшөр мог,

Мед вөрөг тiянө
Пеж ныр эз сiуй,
Мед космонавтъяслысь
Эз пемдөд туй...

Мам восьтас синъяссө —
И вошө ун.
Сикт весьтын кышөдчө
Выль мирнөй лун.

Көк көкө ю сайын,
Збой шөйтө төв.
И «газик» вөтлө нин
Кыр йылысь чөв.

1962 во

СЫЛІСНЫ БАБАЯС, СЫЛІСНЫ...

*Муса ёртъясй! Кор ме кула,
Дзебй гажанё:
Гажа нёрысё, сус пу улё,
Муса Эжва динё!*

Виктор Савин.

Ок, и сылісны бабаяс, сылісны!
А кыз сынісны бабаяс, сынісны.
Оключинаяс сөмын и дзуртёны.
Опаснёйясыс ва эжсё куртёны,
Быттё Эжвалысь ва туйсё йөткёны,
Мөд ног шыавны юыслы тшөктёны.
Гыяс, гыяс! Ті код вылө увганнуд?
Ота-мөд бөрся сөмын и шлювганнуд.
Он-ө көсйөй нин бур йөзсө повзьөдны?
Он-ө көсйөй нин шогсө ті ловзьөдны?
Сөмын шогыд өд сідзи тай олө на,—
Зэв на тшөкыда морт ордө воывлө,
Зэв на тшөкыда мортыскөд киасьлө.
Сөмын висьтав көть эн висьтав гыяслы.

Веськодъ налы, налы веськодъ.
Оз ѓд тѓдны найѓ:
Мый лоѓма — он нин веськѓд,
Он тай койышт ваѓ.

Ќкся жугыль. Ќкся сынѓ.
Мукѓдъяскѓд сьылѓ.
Гѓрѓд-кытшысь разьсис-мынѓс
Чышьян помыс сьылѓн.

Малалѓ — оз яндысь — тѓлыс
Юрсисѓ том аньлысь.
Кутшѓм любѓ эськѓ вѓлі
Сьѓлѓмшѓрлы-Ваньлы

Муса гѓтырыскѓд гортысь
Видзьяс вылѓ вуджны!
Эз ло лишнѓй мужик мортыд
Эськѓ страдна уджлы.

Но да кысь нѓ! Но да кысь нѓ!
Ќнѓ этша босьтан.
Шог кѓ мортлысь синва кисьтѓ,
Кузь пѓраыс косьтѓ.

Сьѓлѓмѓ быд бурыс тѓрѓ,
Унатор кѓть сорѓ.

Паметь нуо бөрө, бөрө —
Сьөлөм — водзө корө.

Өкся эскө и оз эскы:
Кызд сідз вермас лоны?
Збыль мөй бурлы сэтшөм дзескыд?
Ванюк збыль оз во нин?

Кызд нө сідзи? Кызд нө сытөг?
Сідз тай со, том аньөй.
Тэнсьыд мича сьылөм шытө
Оз нин кывзы Ваньыд.

Тэныд сьөкыд. Но тэ сьылан —
Дойтө зіян венны.
Тэныд сьөкыд. Но тэ сынан —
Кокниджык сідз тэныд.

Воча пөльтө рытив төлыс.
Матыстчө нин мөдлапөлыс,
Пыжлөн туй сэн орө...
Сьывсьө тайө сьыланкывъяс,
Кызди лэччалісны нывъяс
Эжва юным дорө.

Век көть кывзы — сьөлөм вөрзбө —
Кызди вөтчисны на бөрся
Бурлак зонъяс миян,

Гашкӧ, найӧ, кодъяс ӧнӧ
Кӧнкӧ врагкӧд косясьӧны —
Выльмӧм мулӧн пьян?

Но, а гижысьыс-поэтыс,
Кодӧ сьыланкывсӧ сетӧ
Ас войтырлы — ылын.
Эк, Сибирӧдз абу матын!
Ӧнӧ быттьӧкӧнӧсь татӧн
Сӧмын лолыс сьлӧн,

Сьлӧн, Витторнымлӧн, лолыс
Быттьӧ ас ю весьтӧ волӧс,
Шенасис дай лӧбис.
Бур и сӧйӧ — волӧс татчӧ,
Колис бабаяслы лача,
Содтыштӧс вын-ӧбӧс.

Тшӧтш и Ӧксялӧн ас ногыс
Муртса кокнялыштӧс шогыс,
Сьылысны кор помӧдз.
Личмунлӧс и гыа юыс,
Кодыр тӧлыс сиктлань нуис:
«Гажӧдчӧй, кор томӧсь...»

Видзвыв шыалӧ пыр:
Вӧвлӧн пель бара торвидзӧ

Мазі, дузъялігтыр,
Лэбѵ дзоридзсянь дзоридзлань.

Коса — швич! Коса — швич!
Покос паськалѵ вомлала.
Ветлѵ гыѵн веж видз —
Муыс быттьѵкѵ лолалѵ.

Мыйта, видзѵдтѵ, вын
Баба сойясын вѵлѵма!
Кѵть и дойысь эз мын
Сылѵн, Ѳксялѵн, сьѵлѵмыс.

Коса — швич! Коса — швич!
Турун — водтѵдзыс кышмунлѵ.
Ѳкся уджалѵ сідз —
Лолыс быдсѵнтѵ ышмунлѵ.

Коссѵ веськѵдлас сутш —
Бара тэрмасьѵ, тэрмасьѵ.
Быттьѵ кыткѵ эз вудж,
Быттьѵ аскѵдыс вермасьѵ.

Бара сов кѵра пѵсь
Кельдѵм бандзибтѵ визлалѵ.
Чикыш — видзвывса гѵсьт —
Ѳкся юр весьттѵ ризьялѵ.

Эськө горөдны:

— Ук!

Дона пөраөй, мичаөй!

Ловтө коддзөдысь дук

Сьөлөм дойяссө личөдө.

Мортлөн му вылын мог —

Мукөд ладмыны топыда.

Личкө оз сөмын шог,

Мортлөн юрыс кө копыра.

Овлө тшөкыда сідз:

Бурсө сьөкыдлун пестылө.

Коса — швич! Коса — швич!

Мусө, аддзаннид, кресталө.

Турун — ёна жө кузь.

Турун — өтарө тшөкыдджык.

Трудодень серти мудз,

Төдчө, төкөтьө сьөкыдджык.

Уна дзоридзыс тан.

Да өд кад өмөй өктыны?

Тані-й сьывны он пан,

Оз кө кызмырдөн тшөктыны.

Август — август и эм:
Жарсö лунланьö нуö мед.
Миян нэм. Кызьöд нэм.
Вобы нелямын куимöд.

Пöльтны тöлыслы дöзмöдiс:
Лигышмунiс — дай пом.
Эжва берегыгн, кыр дорас,
Кызд пу сулалö том.

Рытъя рöмыдыс сайöдö
Аснас быдсяматор.
Да öд кызд пуыс, жалюкыс,
Сылысь нем оз и кор.

Сöмын жаль сылы, öткалы,
Ас кодь чоюкыс жаль:
Чойсö, буждiс кор берегыс,
Эз-ö ытваысь таль?

Юлы чойыс сэк копыртчис,
Эз нин веськöдчы, эз.
Ортсö колис сэк быгавны
Вужйыс — лов кутан вез.

Гөгөрвоана Оксялы
Пулөн ас сикас дой.

Мудзём нывбаба нюжөдө
Отка кыз пулы сой,

Бытьё вöраснас висьталö:
«Эн вай шогсьы тэ, эн.
Мекөд тэ — сідзкө, кыкөнось,
Онi гажаджык тэн».

Гажыс, тыдалö, бырöма мусьыс —
Кодзув эстөнi, көдж весьтас, усис!
Биа сунисөн енэжсö вурис
Да и тiмбыльтчис кытчökö нюрас.

Тайö сідзи и эм! Войладорыс
Көнкө кодлөнкө бур нэмыс орис.
Гашкө, сылөн? А гашкө, и сылөн,
Кодi ас йөзсьыс ылын, зэв ылын,

Кодi локнысö сідзи-й эз эшты.
Но, дерт, мыжсö ог сы вылö вешты..
Али пармаыс эськө эз примит?
Али пöсь кывйыс йөзлы эз имит?

Сөрөм! Тунавны колö-ö, ёртьяс?
Эг өд ми сийöс водтөдöй гортьяс.
Эг өд ми сийöс сьылөдöй, эгö.
...Кодзув бияса Эжваыс легö.

Легö Эжваным öтторъя мичнас.
Сылөн мичыс быд сьölöмлы вичмас.
Öкся думъяснас ыліö волö,
Но, а Эжвакöд янсавны полö.

Ставнас Эжваыс ас, ставнас дона.
Сійöс Витторным радейтліс ёна.
Сійöс радейтліс, сы йылысь сьывліс,
Ачыс Эжваыс тшöкыда кывліс.

Ок, и сьылісны бабаяс, сьылісны!
А кызд сынісны бабаяс, сынісны!
Öклучинаяс сöмын и дзуртöны.
Öпаснöйясыс ва эжсö куртöны,
Быттьö Эжвалысь ва туйсö йöткöны,
Мöд ног визувтны юыслы тшöктöны.
Кывзö Эжваыс страдна пом сьылöмсö,—
Кылö йöзыслысь олöмсö-вылöмсö.
Кылö быдтор, мый аскöдыс везъясьö.
Öпаснöй помысь кодзувъяс резсьöны.
Найö резсьöны, ва пиö тельскöны.
Пыж набойясö гыторъяс гольскöны.
Мыйсö сöмын эз тöдлы лöz Эжваным!
Кызди ва туйсö сöмын эз вежлавлы!
Кутшöм кыръясö серсö эз пасавлы!
Но дзик век, кольö век ачыс аснас öд.
Сэтшöм сямыс и татчöсса олысьлөн.
Татшöм йöзкöд ме радейта волысьны.

Эз врагкөд косьын сійө усь,
Эз врагкөд косьын.
А водзын — пөраыс зэв кузь,
Мед водзөс босьтны.

А кодлысь? — юаланнуд ті.
А збыль өд, кодлысь?
Но водзөс корам, төдам ми,
Дерт, ог народлысь.

Законлөн вын кө лоліс ныж —
Он мыжав йөзтө.
А корсьны-аддзыны збыль мыж
Эз вөв сэк прөстө.

А вөчсис-керсис көн да мый —
Эг төдөй стөча.
Сэк лөжсө морыс эз тай лый!
Мый сэсса вөчан?

Сэк, чой-вок, Витторнымлөн нэм
Сибирын орис.
А дойыс өнөдз инмө мем
Да сотө морөс.

Сибирь, дерт, асланым жө му:
Ог омөльт сійөс.

А унатор, көть мый эн шу,
Эз төд Россия.

Сәк зумышмыліс парма-яг
Да Эжва юным.
Но эз, эз чусмы миян флаг,
Эз бөрыньт муным.

Бур вылө лачасө поэт
Век кутіс-видзис.
Но кымынлы эз сәсса пет
Ас мулөн мичыс!

Народлөн вежөр эз жө узь,
Век кольліс ёсьөн.
...Эз врагкөд косьын сійө усь,
Эз врагкөд косьын.

«Тэ петав, югыд кодзув, петав»,—
Оз дөзмы корны сьыланкывйыс.
А кодзув петіс уна-уна,
И сөмын Витторным оз пет.
Лов петан здукас Эжва юлысь
Эз кывзы сёлькөдчөмсө сійө,
И пармаыслысь ас ног шувгөм
Сы пельлы кывзыны эз шед.

Эз кыв, кыз бабаяскөд Окся
Пось сьыланкывсө сылысь сьылө,
Кыз ветлө йөла чужан ягті
Да новлө сьыланкывлысь гор.
Эз колльөд видзөдласнас сійө,
Кыз зія кывтө пароходыс,
Мед ашөр пайсө сетны йөзлы,
Мед карө воны асьядор.

Эз сылы өшинь тасө таргы
Лөз Эжва сайсянь локтысь төлыс,
И сылөн муса Нёбдін помын
Эз сылы копрась воом сю.
Но парма төдліс сійөс? Төдліс!
И Эжва кывліс сійөс? Кывліс!
Тшөтш, сідзкө, сылы парма шувгө.
Тшөтш, сідзкө, сылы тельгө ю.

Оз Эжва дорын куйлы сійө.
А көні — весиг ог на төдөй.
Но көнкө асланым жө муын
Эв крепыд унмөн узьө морт,
Код коми деревняысь петіс,
Код садьмөм войтыр йылысь сьыліс,
Код вөлі муса ас бур йөзлы.
Эк, чой-вок! Чегис сылөн борд!

Сэк бөрдім усьөмаяс вөсна:
Шог — шог и эм! Но эг тай төдөй,
Мый көнкө кувсьө-й сийө, коді
Ас мулысь радейтліс быд содз.
Ми казьтам сийөс. Мыйысь повныс?
Өд весиг парма букыштчывлө,
Өд весиг Эжва быгзьө-пузьө,
Мый морттө воштім сэтшөм водз!

1963 во

СОДЕРЖАНИЕ

Кыпыдлун йылысь	5
Бара аддзым	6
Октябрь	7
Вокьяс	9
«Эм чужан му»	11
Вынйора и том тэ	12
Слава	13
«Прощайтэй, комсомольскэй вояс!»	15
Эмось другьясыд тан	16
А пармаад волывлө төв	17
Гы	19
«Вой төв лөнис. Кыа»	20
Тулыслы	21
Ме ордын Пушкин	22
Менам врачлы	23
«Вояс кывтёны төв нылыд и төв паныд»	25
«Эк, луньяс, өдйё жё ті мунад	26
Миян Выхь во	28
Төвся асылө	29
«Гы бөрся гы»	31
Изва, Изва	32
«Машина уджалө, кызд колө»	34
Туйын	36
Кызкар сикт	38
«Аттө, вөрсы!»	39

Кор кайё трубаясысь тшын	40
Август	42
Ми, тӧрытья зонкаяс	43
Коммунистьяс	45
Нимлун кузя	46
Друглы	48
«Строитель посёлокын ме ола-выла»	49

ПОЭМАЯС

Гым ветлӧ ыбӧд	53
Пиӧс колльӧдис мам	59
Сылысны бабаяс, сылысны	66

Владимир Александрович Попов

ВНОВЬ ВСТРЕТИЛИСЬ

Стихотворения и поэмы
на коми языке

Художник М. П. Безносков

Редактор С. М. Морозов

Техн. редактор И. И. Оплеснин

Сдано в набор 18/VI-1964 г. Подписано к печати 1/VIII-1964 г.

Формат 60×92¹/₃₂ 1,5 бум. л., 2,4 печ. л. (Уч. изд. л. 1,86)

Тираж 2000. Заказ № 2923. Ц01718. Цена 10 коп.

Коми книжное издательство. Дом печати.

г. Сыктывкар, Республиканская типография
Управления по печати

НОВАЯ

0 05

10 коп.

